

Куч – адолатда

Адл ила оламузин обод қил!

2024 йил
16 август,
жума
№ 40
(1022)

Ўзбекистон Республикаси Олий судининг ҳуқуқий газетаси

http://www.kuch-adolatda.sud.uz

1998 йил 29 августдан чиқа бошлаган.

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ ЭЛЛИК БЕШИНЧИ ЯЛПИ МАЖЛИСИ ТЎҒРИСИДА АХБОРОТ

15 август куни Тошкент шаҳрида Ўзбекистон Республикаси Олий Мажлиси Сенатининг эллик бешинчи ялпи мажлиси ўз ишини бошлади.

Унда Сенат, ҳукумат аъзолари, вазирлик ва идораларнинг вакиллари, Сенат ҳузуридаги Ёшлар парламенти аъзолари ҳамда оммавий ахборот воситалари ходимлари қатнашди.

Видеоконференцалоқа тарзида ўтказилган ялпи мажлиси Олий Мажлис Сенати Раиси Танзила Норбоева олиб борди.

Ялпи мажлис Сенатнинг YouTube тармоғидаги саҳифаси орқали тўғридан-тўғри ёритиб борилди.

Сенатнинг ялпи мажлисида “Ўзбекистон Республикасининг Тадбиркорлик кодексини тасдиқлаш тўғрисида”-ги қонун кўриб чиқилди.

Қонун билан тасдиқланаётган Тадбиркорлик кодекси 100 дан ортиқ қонунчилик ҳужжатларини унификация

қилиш назарда тутилган бўлиб, унинг асосий мақсади тадбиркорлик соҳасидаги муносабатларни тартибга солишдан иборатдир.

Шунингдек, кодексда фуқароларнинг тадбиркорлик фаолиятида эркин иштирок этиши ва ундан манфаатдор бўлиши учун кафолатлар ҳамда шароитлар яратиш, хусусий мулк, шунингдек, тадбиркорлик субъектларининг ҳуқуқлари ва қонуний манфаатларини ҳимоя қилиш асосий вазифа сифатида белгиланмоқда.

Кодексда тадбиркорлик фаолиятининг асосий принциплари унификацияланган ҳолда мустаҳкамланган: қонунийлик, тадбиркорлик эркинлиги, тадбиркорлик субъектлари тенглиги, ҳалол рақобат, коррупциядан холилик ва бошқалар.

Кодекс билан тадбиркорлик субъектлари кичик, ўрта ва йирик тоифаларга ажратилмоқда (амалда тоифа сифатида фақат кичик тадбир-

корлик субъекти мавжуд эди).

Якка тартибдаги тадбиркорлар шуғулланиши мумкин бўлмаган фаолият турлари белгиланган ҳолда уларга қонунчиликда тақиқланмаган ҳар қандай фаолиятни амалга ошириш ҳуқуқи берилмоқда.

Тадбиркорлик давлат томонидан тартибга солишнинг чегаралари ҳамда тартибга солиш шакллари белгиланмоқда ҳамда халқаро стандартларга мувофиқ аёллар ва ёшлар тадбиркорлиги ҳамда уларни қўллаб-қувватлаш тизими жорий этилмоқда.

Кодексда ижтимоий тадбиркорлик, ижтимоий корхона, аҳолининг ижтимоий эҳтиёжманд қатламлари рўйхати ва уларни, жумладан, ноғиронлиги бўлган шахсларни қўллаб-қувватлашнинг механизми белгиланмоқда.

Шу билан бирга, кодексда бизнес-инкубаторларнинг ҳуқуқий мақоми, мақсад ва вазифалари белгиланмоқда ҳамда давлат корхоналарига

рақобатни чекловчи имтиёз ва преференциялар бериш тақиқланмоқда.

Тадбиркорлик кодексининг қабул қилиниши тарқоқ қонунчилик ҳужжатларини ягона ҳужжатга бирлаштириш, тадбиркорлик соҳасидаги қонунчилик ҳужжатларини барқарорлаштириш, давлатнинг тадбиркорлик соҳасига аралашувини камайтириш, шунингдек, тадбиркорлик ҳуқуқи соҳасида ягона ёндашувни белгилашга хизмат қилиши таъкидланди.

Қонун қизғин муҳокамадан сўнг сенаторлар томонидан маъқулланди.

Шундан сўнг “Ўзбекистон Республикаси Вазирлар Маҳкамаси тўғрисида”ги Конституциявий қонун муҳокама қилинди.

Мазкур қонун ҳукумат фаолиятини янги таҳрирдаги Конституцияга мувофиқлаштириш ва унинг замонавий шароитда самарали ишлашини таъминлашга қаратилган.

(Давоми 2-бетда) ▶

Моҳият

БАРҚАРОР ривожланиш шарти

ЭКОЛОГИК
БАРҚАРОРЛИК
ВА ТАБИЙИЙ РЕСУРСЛАРНИ
КАФОЛАТЛИ
МУҲОФАЗА
ҚИЛИШНИ
ТАҚАЗО ЭТАДИ

Барқарор ривожланишнинг янги талабларидан

келиб чиққан ҳолда юртимизда атроф-муҳитни муҳофаза қилиш, табиий ресурсларнинг интеграллашган бошқарувини изчил жорий этиш, экологик вазиятни яхшилаш бўйича янги ёндашув асосида ислохотлар амалга оширилмоқда.

(Давоми 3-бетда) ▶



Борий АЛИЕВ,
Олий Мажлис Сенати
Орабўйи минтақасини
ривожлантириш масалалари
ва экология қўмитаси раиси

Шарҳ

АҲОЛИ УЧУН ҚУЛАЙЛИК

ЯНГИ ҚОНУН ХАЛҚНИ
РОЗИ ҚИЛИШГА
ҚАРАТИЛГАН



Бугунги кунда мамлакатимизда аҳоли турмуш тарзини яхшилаш, уларга қулай шарт-шароит яратиш, бир сўз билан айтганда, халқни рози қилиш борасида изчил ва кенг қамровли ислохотлар амалга оширилмоқда. Бу борада, жумладан, 2024 йил 5 августда “Ўзбошимчалик билан эгаллаб олинган ер участкаларига ҳамда уларда қурилган бинолар ва иншоотларга бўлган ҳуқуқларни эътироф этиш тўғрисида”ги қонун қабул қилингани муҳим аҳамиятга эгадир.

Маълумки, ўзбошимчалик бўён аҳолини қийнаб келган эгаллаб олинган ер участкалари ва у ерда қурилган бино ва иншоотларга бўлган ҳуқуқларни эътироф этиш бўйича ҳуқуқий асоснинг мавжуд эмаслиги узоқ йиллардан

буён аҳолини қийнаб келган асосий муаммолардан бири эди. Ушбу қонуннинг қабул қилиниши эса, айни муаммоларни ҳал этишнинг ҳуқуқий асосини яратди.

(Давоми 3-бетда) ▶

Тарих тилсимлари

Ватан озодлиги йўлида ТИКИЛГАН УМР



ёхуд Нажмиддин
Кубро жасорати

Буюк ватандошимиз, машҳур мутасаввуф олим шайх Нажмиддин Кубро 540 ҳижрий йилда Хоразмнинг Хива шаҳрида дунёга келган. Абдурахмон Жомийнинг «Нафаҳот-ул-унс» асарига ёзилишича, Нажмиддин болалик пайтидаёқ илм истаб Мисрга йўл олган. Мисрда у машҳур олим Рузбехон Ваззон ал-Мисрийдан таълим-тарбия олади. Илмга чанқоқ Нажмиддин ордан кўп вақт ўтмай Табризга бориб, у ерда имом Абу Мансур Шафъа, шайх Бобо Фараж, Аммор Ясир, Исмоил Касрий каби атоқли мутасаввуфлардан таъсил олади. Кейинчалик машҳур шайх Исмоил Касрий таъсиеси билан Хоразмга қайтиб келиб, «Кубравия» тариқатига асос солади.

(Давоми 4-бетда) ▶

Ватанимиз мустақиллигининг 33 йиллиги олдида

Ёшлар — келажак эгалари

улар ўз орзу-интилиши ва салоҳиятини тўлиқ намоён этиши учун барча шарт-шароитлар яратилмоқда

“Сайёрамизнинг эртанги куни, фаровонлиги фарзандларимиз қандай инсон бўлиб камолга етиши билан боғлиқ. Бизнинг асосий вазифамиз – ёшларнинг ўз салоҳиятини намоён қилиши учун зарур шароитлар яратишдан иборат”. Президентимиз Шавкат Мирзиёев БМТ Бош Ассамблеясидаги чиқишларидан бирида қайд этган айни ёндашув мамлакатимизда амалга оширилаётган ёшларга оид давлат сиёсатининг туб негизи ҳисобланади.

(Давоми 2-бетда) ▶



Фуқаролик ишларини тафтиш тартибида судларда қайта кўриш амалиётининг жорий этилгани биринчи ва апелляция инстанцияси судлари ҳужжатларининг қонунийлиги, асослиги ва адолатлигини текширишда ниҳоятда муҳим ўрин тутмоқда. Ушбу тартиб моддий ҳуқуқ нормалари тўғри қўлланилиши ҳамда процессуал қонун талабларига риоя этилишини таъминлаш, қонун устуворлиги ва одил судловга эришишда ҳуқуқий институтнинг муҳим қисми сифатида қисқа вақт ичида ўзининг қулай ва афзаллиги билан ижобий натижа бера бошлади. Қуйидаги фуқаролик иши ҳам фикримизнинг ёрқин исботидир.

Фуқаролик ишлари бўйича Жиззах туманлараро судининг 2023 йил 27 февралдаги ажримлари билан К.Урдушев, О.Тўраев, Н.Файзуллаев, Д.Турдимуродова, Б.Юсупов, А.Насриддинов, Ў.Умрзоқов, Х.Мансуров, Ф.Холмўминов, Ф.Ахроров, М.Қаюмов, А.Пирматов, Х.Очилов ва Ф.Холбўтаевнинг “Jizzaxdonmaxsulotlari” акциядорлик жамиятига нисбатан мукофот пуллари ва маънавий зарар ундириш ҳақидаги ўн тўртта фуқаролик иши даъвогар О.Маматқўловнинг жавобгар — “Jizzaxdonmaxsulotlari” акциядорлик жамиятига нисбатан

шу тоифадаги фуқаролик ишига бирлаштирилган.

Фуқаролик ишлари бўйича Жиззах туманлараро судининг 2023 йил 2 мартдаги ҳал қилув қарори ҳамда Жиззах вилояти суди фуқаролик ишлари бўйича судлов ҳайъати апелляция инстанциясининг 2023 йил 3 майдаги ажрими билан даъвогарларнинг акциядорлик жамиятига нисбатан мукофот пуллари ва маънавий зарар ундириш ҳақидаги даъво талабларини қаноатлантириш рад қилинган.

Шундан сўнг суднинг ушбу ажрими устидан даъвогар Б.Юсупов ва

Қонун кўмағи

Қонун устуворлиги ва одил судловга бўлган ишонч

тафтиш тартибида қўрилган ишда тўлиқ таъминланди

бошқалар томонидан берилган тафтиш тартибидаги шикоятда суд қарорларини бекор қилиб, даъво қаноатлантириш ҳақида янги ҳал қилув қарори қабул қилиш сўралган.

Шу ўринда даъво моҳиятига тўхталадиган бўлсак, О.Маматқўлов, К.Урдушев, О.Тўраев, Н.Файзуллаев, Д.Турдимуродова, Б.Юсупов, А.Насриддинов, Ў.Умрзоқов, Х.Мансуров, Ф.Холмўминов, Ф.Ахроров, М.Қаюмов, А.Пирматов, Х.Очилов ва Ф.Холбўтаев “Jizzaxdonmaxsulotlari” акциядорлик жамиятида турли лавозимларда фаолият юритиб келишган.

(Давоми 2-бетда) ▶



